



Y Bwrdd Rheoli

Cofnodion cyfarfod 26 Chwefror 2009, 9.30–11.30 Ystafell Gynadledda 4B

Presennol: Claire Clancy (Prif Weithredwr a Chlerc) (Cadeirydd)
Dianne Bevan (Prif Swyddog Gweithredu)
Keith Bush (Cyfarwyddwr y Gwasanaethau Cyfreithiol)
Adrian Crompton (Cyfarwyddwr Busnes y Cynulliad)
Non Gwilym (Pennaeth Cyfathrebu Allanol)
Sulafa Halstead (Pennaeth Pwyllgorau y Cynulliad)
Steve O'Donoghue (Pennaeth Adnoddau'r Cynulliad)
Mair Parry-Jones, Pennaeth y Gwasanaeth Cyfieithu a Chofnodi)
Kathryn Potter (Pennaeth Gwasanaeth Ymchwil yr Aelodau)
Connie Robertson, Pennaeth Ystadau a ThGCh
Craig Stephenson (Pennaeth yr Uned Gorfforaethol)
Sian Wilkins (Swyddfa Ddeddfwriaeth)
Cathryn Newman (Ysgrifenyddiaeth)

1. Cyflwyniad ac ymddiheuriadau

Nid oedd unrhyw ymddiheuriadau.

2. Datgan buddiannau

Nid oedd buddiannau i'w datgan.

3. Cofnodion y cyfarfod a gynhaliwyd 19 Ionawr 2009

Cytunwyd bod y cofnodion yn gywir. Nid oedd unrhyw faterion yn deillio o'r cofnodion.

Paratoi ar gyfer cyfarfod y Comisiwn

4. Fframwaith ar gyfer Adroddiad Blynyddol 2008/09 (papur 1)

Cyflwynwyd y papur gan Non Gwilym, ac roedd yn nodi'r strwythur sylfaenol ar gyfer yr Adroddiad Blynyddol a fyddai'n dilyn fformat y llynedd ac yn dangos bod Comisiwn y Cynulliad yn cyflawni'i amcanion. Byddai grŵp prosiect yn cael ei sefydlu cyn i Gomisiwn y Cynulliad ystyried y papur ar 23 Mawrth. Cytunwyd y dylid trafod sut i ddosbarthu a chyhoeddi'r adroddiad ar-lein unwaith y bo wedi gweld golau dydd ym mis Gorffennaf.

Cam i'w gymryd:

- Yr adran Cyfathrebu Allanol i ystyried y sylwadau a gafwyd yn y Bwrdd Rheoli a pharatoi fersiwn derfynol y papur.

5. Datblygu gwasanaethau Gwasanaeth Seneddol y Cynulliad i gefnogi swyddogaethau deddfwriaethol a chraffu (papur 2)



Cyflwynodd Adrian Crompton ei bapur, a oedd yn atgoffa Comisiwn y Cynulliad am y gwelliannau a roddwyd ar waith i gefnogi swyddogaethau deddfwriaethol a chraffu dros y 18 mis diwethaf, a gwahoddodd eu sylwadau am yr hyn oeddent yn ystyried fyddai'r pwysau tebygol o ran adnoddau a blaenoriaethau a'r dewisiadau oedd yn bosibl ar gyfer darpariaeth yn y dyfodol. Nodwyd y byddai Penaethiaid Gwasanaethau o'r Gyfarwyddiaeth Fusnes yn bresennol yng nghyfarfod Comisiwn y Cynulliad i drafod problemau a phwysau o fewn eu meysydd gwasanaeth unigol. Cytunwyd y dylai'r papur gynnwys cyfeiriadau at nodau, blaenoriaethau a chyllideb Comisiwn y Cynulliad yn y dyfodol.

Cam i'w gymryd:

- Adrian Crompton i ail-edrych ar y papur er mwyn cryfhau'r geiriad.

6. Y Cynulliad carbon-niwtral (papur 3)

Cyflwynwyd yr adroddiad gan Connie Robertson a Steve O'Donoghue. Cafwyd trafodaeth a chodwyd nifer o bwyntiau, yn cynnwys: yr angen i wneud achos busnes cryfach ac i wneud y cysylltiad i i-Change; y gost a'r aberth tebygol, neu amcan ohonynt o leiaf; esboniad ar rywfaint o'r derminoleg a ddefnyddir; cyflwyniad realistig ar y dewis sydd, a'u canlyniadau posibl; a mantais cynnwys cyfeiriadau at drafodaethau Cyfnewid yn y papur. Byddai pob mater o'r fath yn angenrheidiol er mwyn i'r Comisiwn ffurfio barn am ei gefnogaeth i fwrddau i gyflawni Cynulliad carbon-niwtral.

Cytunwyd y dylid trefnu i ystyried y papur eto mewn cyfarfod diweddarach Comisiwn y Cynulliad fel y gellid cynnwys sylwadau'r Bwrdd ac ystyried adroddiad gan yr Ymddiriedolaeth Carbon.

7. Rhaglen dreigl (papur 4)

Nodwyd y rhaglen dreigl o eitemau sydd i'w trafod gan Gomisiwn y Cynulliad. Byddai cyfarfod ar y cyd rhwng Comisiwn y Cynulliad a'r Pwyllgor Busnes yn cael ei drefnu ar gyfer mis Mehefin. Dylid ychwanegu papur ar Raglen dathlu'r 10-blwydd at agenda cyfarfod y Comisiwn ar 23 Mawrth.

Cam i'w gymryd:

- Non Gwilym i ddosbarthu'r papur Penblwydd i'r Bwrdd i gael ei sylwadau.

8. Atborth Cyfnewid – “Symleiddio a Gwella'r Ffordd y Gweithiwn” (papur 5)

Bu'r Bwrdd yn trafod sut i gael y gorau o'r sesiynau Cyfnewid i sicrhau bod staff yn teimlo fod digon yn cael ei wneud wedi iddynt wneud awgrymiadau. Roedd Craig Stephenson wedi adolygu'r holl gamau blaenorol a gymrwyd ac roeddent naill ai wedi'u cwblhau neu ar eu canol. Dosbarthwyd atborth gan feysydd gwasanaeth unigol ar y pwnc cyn y cyfarfod. Gan fod cymaint o awgrymiadau wedi'u darparu, cytunwyd ar lunio Tasglu i ystyried yr awgrymiadau a gyflwynwyd, i benderfynu ar bynciau i'w hystyried yn y dyfodol ac y byddai Claire Clancy a Connie Robertson yn aelodau o'r grŵp hwn.

Camau i'w cymryd

- Yr Uned Gorfforaethol i drefnu cyfarfod cyntaf y Tasglu;



- Penaethiaid Gwasanaethau i enwebu rhywun o'u meysydd i fod yn rhan o'r Tasglu;
- Penaethiaid Gwasanaethau i adolygu'r ffurflenni roeddent wedi'u cyflwyno ac i wahanu'r materion y gallant ymdrin â hwy ar lefel gwasanaeth;
- Yr Uned Gorfforaethol i gyhoeddi ymateb llai manwl yn dilyn derbyn ffurflenni diwygiedig.

Meysydd blaenoriaeth o ran Perfformiad

9. Dashfwrdd Perfformiad allweddol (papur 6)

Ystyriwyd y dashfwrdd gan y Bwrdd a nodwyd manylion y cerrig milltir a gyflawnwyd eisoes, y symudiadau a'r esboniadau fel y nodwyd hwy yn yr atodiad briffio. Cytunwyd y dylid adolygu'r dashfwrdd fel rhan o waith cynllunio'r gwasanaeth ar gyfer 2009/10, a chynnwys dangosyddion newydd o fis Ebrill 2009.

Cam i'w gymryd:

- Kathryn Hughes i adolygu'r wybodaeth sydd ar y dashfwrdd.

10. Adroddiad Rheolaeth Ariannol: Ionawr 2009 (papur 7)

Nodwyd bod ateb dros dro wedi'i sicrhau ar gyfer y system PA wrth inni aros am adroddiad ar brofi acwstig. Awgrymwyd y posibilrwydd o ymchwilio i wella'r system, gyda chymorth technegol wrth gefn.

Trafodwyd amcan o'r gwariant a ragwelwyd erbyn diwedd y flwyddyn ariannol, a gofynnwyd i benaethiaid gwasanaethau sicrhau bod gwariant eleni'n digwydd fel y cynlluniwyd.

11. Adroddiad ar y prif bwyntiau o ran Adnoddau Dynol (papur 8)

Nodwyd yr adroddiad, a chroesawyd ymestyn u-access.

Cloi'r cyfarfod

12. Unrhyw fater arall

Dim.

13. Cyfathrebu â staff

- Blaenoriaethau Comisiwn y Cynulliad
- Atborth Cyfnewid

14. Agenda'r cyfarfod nesaf

Dylid anfon unrhyw eitemau at Cathryn Newman, yr Uned Gorfforaethol.

**Ysgrifenyddiaeth
Chwefror 2009**